



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Catechismvs, Dat is, De Christelijcke leeringhe/ in
maniere van t'samen-sprekinghe tusschen den Meester
ende den Discipel**

Coster, Franciscus

T'Antvverpen, 1607

Hoe Christus inden hemel ende hier is.

urn:nbn:de:hbz:466:1-39385

dier-ghelycke ghedaenten des broodts ende des wjns. Ten tweeden / dat het broodt in het waerachtigh lichaem/ende den wijn in het bloedt Christi/ verandert is / deur de woorden der consecratie/ van den Priester ghesproken. Ten derden / dat onder de ghedaente des broodts waerachtelijck teghen-Wordigh is / met de figuere/ (ghelyck de ketters teghen de heylighe Schrifstuere leeren) maer het waerachtigh/ eyghen/ leuende / ende gheheel lichaem / bloedt / siele/ ende Godtheypdt Christi des sones Gods: ende dat dit is het selue lichaem / dat veur ons ghebozen/ ghestoruen / ende nu glorieus inden hemel is: ende niet alleen als-men't nut ende ontfanght / maer oock al-soo langhe / als de gedaenten des broodts dueren.

M. Hoe can Christus , die in den hemel is , hier zijn in soo vele plaetsen ?

D. Dat can ghedoен d'almoghenthedt Godts. Want ghelyck twee lichaemen / bouen natueren deur de cracht Godts / in een plaetse waren als Christus met besloten graue verreste/ met besloten deuren binnen quam tot sijne Apostelen/ ende sonder de hemelen te scheuren/ deur de hemelen voer: Al-soo can oock een lichaem/ deur de selue maght Godts/ in diuersche plaetsen zyn. Ende hier moeten wy al-tijdt gedachtigh zyn des eersten hoofdstucks onses gheloofss: *Ick gholouue in Godt Vader al-maghtigh.*

M. Wat moet-men noch meer gheloouen ?

D. Ten vierden / dat onder de ghedaente des wjns/ naer de consecratie/ oock waerachtelijck

32 teghen-

tegenwoordigh is het bloet des-selvs Sones Gods/
vereenigheit met sijn lichaem / siele / ende Godt-
heydt : want ten wordt nu niet meer uyt-gestort/
maer het blijft in sijn leuende lichaem . Ten vijf-
den/dat Christus soo groot is in een cleyne hostie/
als in een groote : ende dat-men soo vele ont-
fanght onder de ghedaente des broodts alleen/
als onder de ghedaenten des broodts ende des
wijns t'samen.

M. En ist dan niet van noode , dit Sacrament
onder twee ghedaenten t'ontfanghen ; soo de
kettters segghen ?

D. Heen't : want ghelyck een arm mensche be-
socht wesende van eenen rijken / gheen werck en
maecht oft de rijke tot hem comit met rock ende
mantel / oft metten rock alleen / maer begheert
dat hy dick-mael come / ende met sijn ael-moesse
hem vertrooste : al-soo en moeten wy niet be-
sorghet zijn / in hoe vele ghedaenten Christus tot
ons comit/maer dat hy dick-wils come/ ende ons
met sijn gracie begiste.

M. VVaer-om nemen dan de Priesters den
kelck inde Misje ?

D. Tot vol-cominghe van t'sacrificie der Mis-
sen : daer in gherepresenteert moet worden de
doodt Christi / ende de maniere sijns doodts / die
gheschiedt is / deur d' uyt-stortinghe van sijn heyl-
igh bloedt.

M. VWat isser noch te gheloouen van dit heyl-
igh Sacrament ?

D. Ten sesten / dat Christi lichaem niet ghebro-
ken en wordt / als de ghedaenten des broodts
ghebroken worden . Ten seuensten / dat dit heyl-
igh Sacrament een waerachtigh sacrificie is/
deur